

Vivo  
Quam plurimis Nominibus  
observando, Colendo,  
Eruditiss. Consultiss. Humanissimae  
Domino

Dom. Josepho Williamson  
Equiti aurato,  
Legum Caesararum diu Doctori  
Et in nupero, Praesentissimae Parlia-  
-mento Senatori expertissimo.  
Nunc non pridie Regni, alteri Secre-  
-tario Principali; et Secretionibus  
Sanctionibus Regis  
a Consilio &c

[Lit. 1]

# Deus et Rex, Rex, et Episcopus:

V E L

In unionem reciprocam  
Coronæ cum Mitrà, Mitræ cum Coronâ;  
CARMEN HEROICUM.

Cui, non incongrue jungitur Heroicum

Josephi Williamfon,  
Quæ Duo Poemata

Verecundè submittit Author  
R<sup>ff</sup>. SÆCULI PRÆSULIBUS,  
Primariis Academiarum Luminibus,  
Doct. Ecclef. Scholarumq; Rectoribus,  
Nonnullisq; Cultioris Literature Candidatis;  
Eoque nomine perquam proprie.

[By Payne Bisher]





# DEUS, et REX:

## Rex, et Episcopus.

CARMEN HEROICUM

Novis Typis Redintegratum.

**S**yderei salvete Senes! Terrestria nobis  
Numina, Nativo Stellantia nomina Cœlo.  
Inspiratæ Animæ! Quis vos ab origine vestra  
(Vasa dicata DEO) Divino Jure vocatos  
Iverit inficias? Vos, Pignora chara Parentis,  
Depositumque Poli; toties Quos Ille per omnes  
Terrarum, Pelagique minas; per Castra, per Enses,  
Transversasque vices rapuit; velutique sub alâ  
Cœlitûs expansâ, Clypeoque Satellite, textit  
Incolumes, *notique* ciens ad limina *Tecti*  
Stitit, in ægroti Reduces Solamina Regni.

Vates vera loquor. Quid enim nisi Triste Cadaver,  
Plumbea progenies, & pondus inutile Cœlo  
Laica Turba sumus, nostris si CLERUS in oris  
Nubilus occiderit? si non ostenderit orbi  
Sol Jubar; & proprio PRÆSUL Sol major in orbe,  
Non face speluncas, latebrasque volubilis omnes  
Viferit, exsanguis radiisque animaverit artus.  
Iste diu Morbus; longum Metus iste *Britannos*



## DEUS, & REX;

Affixit Populos, sedisse silentibus umbris  
Damnatos; nec mane Novum, Lucisve serenum  
Expectasse Diem. Sed nunc sententia Genti  
In melius mutata, sedet; *Præsentia* nempe  
*Vestra*, laborantes animos afflavit, & omnes  
Discussit virtute metus. Vanescere noctem  
Vidimus, & niveis reditura Crepuscula terris  
Aurea; venturi similemque *Britannia* Sudi  
Spem, Genio potiore fovet. Ferialis in ævum  
*Phosphorus* almus eat, Qui vos *Rata Sydera* mundo  
Reddidit; Illa Dies memorabilis Idibus esto  
Brutigenis, vel sola sacras factura Calendas.

Chara Deo, Regique cohors! Quos duxit uterque  
Jure suo, magnisque datos jam destinat actis.  
Sumite Lanificas *Pastores* sumite sedes,  
Depulsisque Lupis Patriis ab Ovilibus, Hædos,  
Balantumque Greges solito jam claudite Septo.  
Sumite *Praelati* Divinæ Symbola Sortis;  
Annulus auricomans Digito, capitique coruscans  
Infula signatos informet Luce Britannos:  
Pallaque vestra Patres Trabeatos; Palla Tribunal  
Par tegat, integra, & nostro non scissilis ævo;  
Quà, superinduta, alternæ sine frigore constant  
Membra Domûs; nec fulta sacro ventura vacillent  
Parliamenta Pedito. Præfago, pectore certos  
Auguror Eventus. Nam Quis sub *Rege* negabit  
Atlantes Vos esse Globi, Columenque minoris  
Syderis? Incumbit Quorum Cervicibus æquis  
Imperii sublime Caput, signandaque Fastis

Æternis

## R E X, & Episcopus.

3

Æternis Documenta dedit, Diademata Regum  
Funestas subitura vices, & cuncta referri  
In Chaos, *Aula* suam nisi sustentaverit *Ædem*;  
Ni Geminas jungendo manus, Socialia Sceptra,  
Mitraque ab alternis steterit librata lacertis.

*Sceptrifer* Illa sagax Oracula *Dia Jacobus*  
Fudit, & admonitis prædixit damna Britannis:  
*Ille* Monarcharum, conjunctaque fata *Miselli*  
Prædixit Populi, Stygio quâ percitus æstro  
Zelus in Arma ruens, Pacem turbaverit *Ædis*,  
Sanctorumque Domus, Delubraque fracta furore  
Plebeio, spretæque latent sine luce Coronæ.  
Nil opus exemplis: Fatales scilicet Ipsi  
Sensimus effectus; nec adhuc siccemus ocellos,  
*Præsulis* eximii quoties, *Regisque* Beati  
Fata recordamur, cecidit dum Martyr uterque,  
Proque Focis, Arisque suis, Par Hostia facti,  
Infonti rabidas rorârunt cæde Secures.  
Sensimus ereptos Proceres, & ab ordine summo  
Stellatos Satrapas, Qui fidi ad Fata, sequuti  
Augustum Dominum, Currumq; per astra, renato  
Lumine, *Caroleam* Constellavere *Quadrigam*.  
Sensimus in Triviis, quod abacti sede Magistri)  
Dispersum, palansque Pecus, quâ Pascua rara,  
Rara salutiferi sapiebat Pabula Fœni,  
Nec nisi pollutas impuro fonte Paludes.

Hæc erat in foelix Hesterni futilis ævi  
*Fraus pia*, pro puro sua Quod Zizania grano,  
Et Tribulos pro Pane dabat; Panisque dabatur

B

Si



Si modo, *Fractus erat*, nec tunc *Frangentibus*, impar.  
 Hæc *nova* pestiferæ nictantia *lumina* Sæctæ  
 Cæcutientis erant, quæ Dogmata ludicra vulgo  
 Obtrusit vacuo, fatuisque tot Ignibus actos  
 Abduxit populos, medioque immerfit Averno.  
 Fingimus? aut moestum lugubri Carmine verum  
 Pandimus inviti? Nam quis Popularibus Anglis  
 Sævius insultans, maledictis scindet acerbis,  
 Et vix sanati refricabit vulnera Secli?  
 Tunc sua Sceptraferæ valedicens Gloria Genti,  
 Fugit, *Anarchiæ* postquam popolare venenum  
 Fœdârat vultus, faciesque miserrima Regni  
 Pulvere sparsa suo, proprioque voluta jacebat  
 Sanguine, post tantos vix agnoscenda tumultus.

Hinc Seges, hinc Britonum compendia prima malorum,  
 Ille ubi *Conventus* (Cœtum, dicamve Senatum?)  
 Longùm fedit iners, nostræque Gravamina *Trojæ*,  
 Bellaque bis decimum nobis diduxit in Annum.  
 Ille quidem propriis quæ prima foramina telis  
 Fecerat, Ista cito potuit sarcire, sine ullo  
 Fragmine, & intègras iterùm componere Partes,  
 Ni furor & rabies, *curvaque* venefica *Pubis*  
 Suaferat Impietas, haud saluum absistere cœptis  
*Degeneri Populo*, nullâque recondere thecà  
 Tutiùs exertum quam per *sua viscera* Ferrum.  
 Sic Artis Medicafter inops, vel avarior Illo  
 Stat Chirurgus hians; & pro Cataplasmate molli  
 Durius infligens, & vulnere fœdior ipso  
 Quo Pus exprimitur, dilatæ damna Medelæ  
 In sua lucra trahit: luimus, veteresq; timemus  
 Chirurgos

Chirurgos, memores, oculis quia cruda cicatrix  
Instat, & impressos vel adhuc, reminiscimur ungues.

Oh! quoties Pacem (Bellum lethale perosi)

*Supplicibus* Cives, & Turba Precaria *Chartis*

Sollicitare suis? Quoties cum Cive, Colonus,

Cum populo, *Generosus* Eques, cum *Præsule* Clerus,

Certabant alacres sese submittere Regi

Depulso, *Reditumque* humili de More rogabant?

Attamen Hos Homines (Homines si ritè vocandi

Quos potare juvat lachrymas, & sanguine pasci)

Nil gemitus movere pii, nil verba Precantum

Mollivere magis, quam surdas naufraga Rupes

Vota, vel insanos flectunt suspiria fluctus.

Sed tandem dabat una Dies, quod multa negabant

Vota, nihil quæ quùm poterant Acheronta movere,

Demissos flexere Polos, & Numina Cœli

Humanis miserata malis. Discordia demens

Ergo catenatis frontem vittata Ceraftis,

Trux oculos, & torva Genas, caput Ædibus audax

Intulit attonitis, & *Conciliabula* solvit.

Obstupuit Conventus inops, & abire paratus

Quum *Democraticæ* cruda, & vix cocta catervæ

Fercula prima tulit; mensisque pavore remotis,

Surrexit, Populo Semesaque Frustra reliquit,

Et nisi Plebeio, nulli placitura Palato.

Plaudite; terribili truncata est Cauda *Draconi*,

Cui nullum fuit ante Caput, nec corporis olim

Vix Pila parva fui: de clunibus ecce! revulsa est

Cauda minax, nostro Quâ Solem umbrabat Olympo,

Et Qua verrebat revolutas Sydere stellas,



Turbabatque Solum. Proh secli Scommma Pudendi!  
 Pestis, & in Patriæ miserandas nata Ruinas  
 Conjurata Cohors! Quæ postquàm libera Colla  
 Intulerat servile Jugum; post, turbida Bella  
 Moverat, extremi memoranda Nepotibus ævi;  
 Et propè semineces Pelle excoriaverat Anglos;  
 Fessa malis, pavefacta minis, socioque furore  
 Succubuit, moriensque suis caput abdidit antris,  
 Membraque signato vix eruptura Sepulchro.  
 Sic ubi *Cæsareum* satagens extinguere nomen  
 (Mutârat Patrium *privigno* Consule Regem)  
 Ægra caput, corpusque dolens, pessundedit ingens  
*Roma*, suis decussa jugis, proprioque ruebat  
 Robore; Queisque prius Gladiis superaverat Orbem,  
 In sua vulnificos vertebat viscera Contos.

Hæc Facies, hic Finis erat; sed *Fine* futuri  
 Ex Illo, frons quanta mali! Vix *Acta* soluto  
*Fabula longa* Choro, quàm mox Crudelior orsis  
*Exitus*, & nobis nondùm finitus *Orestes*  
 Dat Scenæ Fomenta novæ: sic Colla *Medusa*  
 Secta Colubriferæ, Graviore puerpera colla  
 Vulnere Parturiunt, Hydraque repullulat Hydra  
 Major, in *Herculei* crescens opprobria Clavi.  
 Sutilis è Britonum centone *Senatulus iste*  
 Discolor, obscuri Fæx, & farrago Popelli  
 Parvus, egenus erat; nec strips fuit æqua Sorori  
 Dotibus Ingenii, paribus nec venerat Armis.  
 Nil tamen intentâ feritate, nihilque nefandis  
 Inferior fuit Illa minis. Heu! prodiga turba,  
 Turba nocens *Aulæ*, multoque nocentior *Ædi*,

Fervida

Fervida vociferans, Radice revellere Ramos  
 Stirpitus, & vitem pariter, vitisque Ministros  
 Perdere, & extincto DECIMALIA tollere Clero.  
 Sed Superi vetuere Scelus, Pietasque sub illo  
 Tempore (qualis erat) vœsanis obstitit ausis.  
 Hoc Superi vetuere Scelus: Patresque verendi  
 Vos Genus Æthereum, Superis illapsa Potestas,  
 Circumvallatam posthæc, præstabitis *Ædem*;  
 Ut sub Tegminibus vestris frondosa virescens  
 Altius infixis per Terræ viscera fibris  
 Arboris instar eat, Tempestatumque furores  
 Despiciens, *Patriis* Fructum poscentibus *Anglis*  
 Præbeat, & Cœlo Ramos, & Brachia pandat.

En! video nova Templâ strui; nunc prisca redire  
 Ruderibus rediviva suis; jam Culmina *Templum*  
 Tollere *Paulinum*, nullaque premente senectâ  
 Sumpturum Juvenile Decus; Præsentia tantum  
*Præfulis*, & longè Docti pia Cura DECANI,  
 Et labor, & raro cedens vigilantia somno,  
 Eminùs auspiciis Animos fidentibus auxit.  
 Respicite, & vestræ Cives miserescite Matris;  
 Vos Grandæva vocat, vestrasque reposcit anhelâ  
 Suppetias, audite Preces, nam gloria vobis  
 Quæ stabit, cadet Illa pudor. Succurite lapsæ,  
 Et lachrymas ficcate genis. Laxare quid obstat  
 Nunc Animos, Loculosque pares, dum Pace potiti  
 Undique, & extentis crescunt Pomœria Tectis?  
 Cum plateis, aperite manus; ut quæ modo *Dextra*  
*Ferrea*, Belligeri referabat limina *Jani*,  
*Aurea*, Pacifici componat limina *Pauli*.



Altera si Terris Ecclesia *Miles in Armis*  
 Audiit, Illa fuit, Quæ partes Militis omnes  
 Saucia sustinuit, patiensque pericula vicit  
 Ultima, *Palmiferis* posthæc servanda *Triumphis*.  
 Id Pietas sperare jubet; quia Tela facessunt,  
 Siccaque sopitum recipit vagina Metallum,  
 Et situs imbelles Galeas, & rodit inertes  
 Romphæos rubigo rigens, solusque per urbem  
*Prætoris* radians, nitidusque ostenditur Ensis.  
 Arma silent, & quæ suasere valentiùs Arma  
 Rostra subacta silent; Calami franguntur, & *Arcus*  
 Ecce *Triumphales*, solæque ab Amore *Sagittæ*.  
 Vidit, & obstupuit *Pubes Trinobantia*, Fontes  
 Pro lymphis, undasse mero, *Thamisi*que rubentem  
 Mutatis in vina vadis, quæ *Copia* Cornu  
 Suffuso, famulisq; redux *Concordia* Nymphis  
 Indigenûm visere Domus. *Astræa* revisit  
 Omne Solum, rictumq; lupi non horruit agnus;  
 Tygrida non metuit vitulus, non Pardalin, Hoedus;  
 Et pulsus modo lacte Puer, per prata, Juvencis,  
*Getulisque* feris gracili moderatur hibisco,  
 Ursq; non aliis coeunt ac Bucula Campis.

Audiit ex celsis veterum stirps prisca Britannûm  
 CAMBRIA clara jugis, tandem gavisa renasci  
 Se sub Rege suo, Cui Nomen Principis olim  
*Walliæ* geniale dedit. Proh! fortia Bello  
 Pectora, primævæ servantia Semina *Trojæ*,  
 Et veterum decreta Patrum. Quùm *Julius* olim  
 Victrices Aquilas per totum miserat orbem,  
 Sola sibi *Augustæ* succumbere nescia prædæ,

CAMBRIA tuta stetit; stetit inconcussa procellis  
 Antiquis, pariterq; novis, quum nupera Bella  
 Undiq; per trepidos desævivere Britannos.  
 Illa sibi Fidei Gens fervantissima priscae  
 Sacrilegas non passa manus, sed amantior Æqui,  
 Semper erat studiosa DEO, Sanctisq; dicata  
 Reddere, *Cæsareis* & Quæ Sua reddere Sceptris.

Audiit abjectis Nemoralis IERNA Sagittis,  
 Et quibus abdiderat se lætam protulit Antris,  
 Frondiferisq; Cafis; quia jam vox nulla Tubarum,  
 Tympana nulla foro, sed Pax tegit aurea terras,  
 Aurea Pax pelagus, *Palinuros* unde vetustos  
 Vidit, & *Ormonio* jamjam fruitura Patrono.  
 Nunc pro *Patritio*, *Divo* sibi primitus uno,  
 Nacta sibi plures Patriarchas, fida Penatum  
 Fulcra, Cathedrales instauratura Penates.  
 Adfunt Artifices, *Amphion*, five, vel *Orpheus*  
 Traxissent, passim qua saxa sequentia miris  
 Migrarunt animata modis, conjunctaq; pulchro  
 Foedere, *Thebanis* imitantia rudera Muris;  
 Totaq; laxatis stupuit se Patria portis.  
 O circumfusi suavissima Filia Cœli!  
 Portio Quæ Britonum Tecum certabit *Ierna*  
*Hybla Palestina*, nostræq; Medulla *Canaia*;  
 Cui segetes desudat Humus; pinguesq; per agros  
 Lactea mellifluis spumant mulctralia rivis.  
 O Tellus cognata Polo! Materq; creatis  
 Omnibus Indulgens, foliq; Noverca veneno.  
 Scilicet Infœlix vicini Syderis hospes  
 Nulla per *Ogygiam* reptavit vipera Gentem,



Talpa nec effossæ perrupit viscera terræ:  
 Non ibi deformis visu, vocisve coaxat  
 Raucisonans Bufo, non mortifer Anguis ab herbis  
 Sibilat innocuis, pavidis nec Aranea Muscis  
 Præstruit insidias, vel casses tendit *Arachne*,  
 Rara per Hibernas Animalia noxia Terras;  
 Solus Homo qui natus humo, sua Toxica terris  
 Intulit, & proprii sevit primordia damni.  
 Sed demùm Gens juncta sibi; Gremioq; Parentis,  
 Inq; sinu sanata sedens, *crucis* immemor *Anglæ*,  
 Barbiton insinuat, digitosq; per omnia doctos  
 Fila movet, mulcetq; suam modulamine Matrem.

Audiit immenso circumdata SCOTIA Ponto,  
 Heroum vagina Ducum, Quibus Ensis, & ingens  
 Par Ensi Genius, Patriæ non cortice thecæ  
 Siftilis, Europam secuit, ferroq; negatæ  
 Fortunæ, perrupit Iter. Gens nobilis Armis  
 Illa foris, longum foelix caneretur in ævum,  
 Cunctaq; belligeros loquerentur Littora *Scotos*,  
 Ni sua sævities, & Bella Domestica, truncos  
 Fregissent capulo gladios, alibiq; virentes  
 Civili laceras foedassent sanguine Laurus.  
 Sed tandem revocata sibi, revalescere crure  
 Fortiûs à fracto didicit; *Solemnia Pacta*  
 Jamq; dolens, meliora vovet, pertæsaq; *prisci*  
*Fæderis*, ore fidem, pariter Foedusq; novavit.  
 Tuq; Caledoniis *Benedicte* vocabere passim  
*Cardue* nate jugis, solitâq; impunè remisâ  
 Asperitate, ferēs læsæ Medicamina Genti.  
 Irrita primævæ ceciderunt Semina Rixæ;

Postera

Postera nec junctam dirimet discordia Gentem.  
 Non Aper armipotens pingues populabitur agros,  
 Callida nec teneras vulpecula destruet uvas;  
 Nec vepres perdet violas, sed sponte coibunt,  
 Sponte Rubi sub valle Rosis, *Montemq; Rosarum*  
 Regia Gens, illinc Hostis comes, Agmine cingent.  
 Vaticinor? vel visa cano? dum Clerus ab omni  
 Parte venit, feriq; dolens Deliria secli,  
 Jam fugit Ambages; fugit Erroresq; viarum,  
 Et velut Indiciis iterum Cœlestibus actus,  
 Obvia Divinæ sequitur vestigia Formæ.  
 Lætatur cum Pace; Fides, Pietasq; triumphat  
 Quod reparanda brevi solitos *Ecclesia* Ritus  
 Induet, & sacrae vittis redimita *Tiaræ*,  
 Illa velut medio sublimis BASSA Profundo  
 (Scotiaci Regina Freti) sua culmina tollet  
 Spumiferis intacta vadis; omniq; procellâ  
 Stabit ovans, streperis ringentibus undiq; sectis,  
 Cassaq; *Kirkicola* circumlatrante Popello.

Sic Triplici Diadema Throno, sensimq; reducta  
 Delubris stabilita Quies, stant debita vobis,  
 Et vestro *Sacer Ordo*, Choro; Quibus, aurea nunquam  
 Sæcula sufficiant pariles persolvere Grates.  
 Vertimur; ac Ipsi mirum mutamur ab Iphis.  
 Vivimus. Haurimusq; novæ spiramina vitæ,  
 Ex quo, *Luciferi* nobis rediistis *Elijæ*  
 Flammantes Equites, fessiq; Quadriga Britannis.  
 Ultima *Caroleis* vos spes, & meta *Columnis*;  
 Anchora vos Archæ laceræ; vos *aqua* Carinis  
*Subera* depressis, levibusq; *Saburra* Phaselis:




State, procelloſi emerſi jam fluctibus ævi,  
Littore *Naucleri* ſolido, portuq; perenni  
Euge ! ſedete Patres. Nil nunc niſi vota ſuperſunt,  
Ut PATER Ille PATRUM duplicati Flaminis æſtro  
Imbuat unanimes, & Cœtubus additus hiſce,  
Hos Cœtus velit eſſe Ratos: ut Corpore tanto  
Mens eadem, concorſq; Fides ſuper Ardua vectos  
Vos ferat, & Conſulta piis Succellibus æquet;  
Erigat unde graves venerabilis Infula vultus;  
Et cum Lege Gregeſ, Sceptris famulentur avitis,  
Priſcaq; compoſito redeat Reverentia CLERO.

*Vt ſequentis Paginæ vacuitas ex aliqua parte ſuppleretur,  
Typographo placuit, hoc Duodoſticon attexere, Quod,  
Author olim rogatu cujuſdam Scholaris Weſtmo-  
naſterienſis, currenti calamo exaraverat.*







*Præsuli Plurimum Reverendo,  
Primorumque Prælatorum nemini Secundo,  
Quia Doctissimorum nostri Syderis Antesignano;  
Conspicuoque defacata Pietatis, Integritatis,  
ac Humanitatis Exemplari*

**D. Thomæ Barlow,**

*Lincolniæ Diæceseos, Angliæ diffusissimæ, Domino Episcopo;  
Nuper Oxon. D. Marg. Professori, & Archidiacono,  
Ibiq; Col. Regin. vigilantissimo diu Præposito, &c.*

*Ejusque Successori Dignissimo  
Eruditiss. Pientissimo, Consultissimoque*

**D. TIMOTHÆO HALTON,**

*R<sup>do</sup> Diæceseos Menevensis, ac Oxoniensis Archidiacono;  
Ibique Col. Regin. (cujus diu Socius eminuerat)*

*Desideratissimo tandem Præposito;  
Hominum, Aularum, Regionumque Perlustratori Lincæo,  
Linguarumque Polyglotto;  
Familiaque suæ perantiquæ, dudumque perquam splendida,  
Ornamento plusquam vulgari.*

*Necnon Istius perantiquæ, Famossimæque Foundationis,  
(Et præ cæteris, quoad Doctrinam, disciplinamq; spectatissimæ)  
Eruditissimis, Humanissimis, Ornatissimis Sociis, Collegis,  
Cultoribusque Suissimorum charissimi*

**JOSEPHI WILLIAMSON.**

*Ad veneranda Quorum Virtutum, Nominumque Delubra,  
Hoc hodie Musarum luculentius, & immaculatius Oblatum  
Verecundè devovit Author.*



*Prælegendas prolixiores has Notas Peregrinis,  
proponit Author.*

Pag. 2. lin. 8. Quoad Insignia, ter Honorabilis Ille *Josephus* gestat, in aureo Campo *Tria nigra Trefolia*; *Cristaque demi-Aquilam rubram, nigris alis, Coronâ Ducali exsurgentem, Rostroque præportantem minusculum Trefolium.* Cujus *Herbæ* (*Sanctæ Trinitatis Symboli*) natura est, teste *Plinio, Isidoro, Gerrardoque* semper vernare; tantæque est existimationis apud *Hibernos* (Quam, vernaculâ *Shamrogge* vocitant) ut non modo communibus apponant acetariis, sed 17<sup>mo</sup> Martii, publicè *Pileis* ostentent; Quo die, Gens illa conversa est per ipsorum *Sanctum Patricum*; Qui, sub aprico Campo concionatus Illis de *Mysteriis Sanctæ, & Individuæ Trinitatis*, ut tunc, *Incredulis Fidem Nervosius* inculcaret, Gramen *Trefolii* discerptum palàm circumstantibus ostendit, inquires, *Mi Filii, Quid dubitatis? quid ambigitis? En! Planissima sunt, Quæ vobis prædico, nam prout hoc Trefolium Quod cernitis, Folia tria gerens, ex uno tantisper Caule dependit, sic unus DEVS in Tribus Personis, & Personæ Tres, in uno DEO, conterminatim coalescunt.*

Pag. 2. l. 20. Collegamque, &c. Innuat eruditiss. consultiss. ornatissimumque *LEOLINUM JENKINS* eq. aurat. Coll. *J. s. Ox.* Principalem, ibique, *Suxæque Patriæ Glamorgienfis* amplissimi Benefactoris; *Lond.* Curia Admiralitatis, & *Cantuariensis*, *Judicis supremi*; necnon nuper ad *Christianiss. Regem. Ludovicum 14.* pro Rebus componendis nostræ nuperæ *Reginæ Matris, Oratorem*; ubi, non modo publicos à *Primoribus Gallia Doctoribus* Applausus, sed ab ipsissimo Rege Hoc indelebile reportaverit Elogium, *Eum præpollere Ministrum, Qui vel ad potentissimorum, Prudentissimorumque Regum sanctiora consilia, dignissime co-optaretur.*

Pag. 3. lin. 10. *Wallia* dicta *Saxonice Gualia*, à *Gaulis*, & apud *Gallos*, vel hodiè, *Princeps de Wales, le Prince de Galles* appellatur.

Lin. 23. *Patricius Curwen*, nuper *Baronettus de Workington.*

Lin. 24. *Philippus Musgrave* *Baronettus*, ex antiquis *Angliæ Baronibus Musgravis* oriundus.

*Lucii* descendentes ab *Illustribus Romanis*, præportant in scuto *Tres Pisces*, quos *Romani Lucios* appellant; Qui *Lucii* ante ingressum *Conquestoris*, *Angliæ heic viri perquam memorabiles* extiterunt; à Quibus, & illo *Richardo Lucie* *Barone*, tempore *Regis Stephani*, descenderunt Illi *Lucii* perantiqui *Barones de Cockermouth*; & ab Illis, *Rectâ longissimaque Lineâ* descendit eruditiss. & consultissimus ille *Patriota Dom. Richardus Lucie de Charlecot* *Armig.* & in hoc *Angliæ* magno *Parlamento* *Senator*, omniumque *Luciorum* *Principale caput*; Ipsiusque *Frater D. Fulco Lucie*, *eques auratus*, & *avunculus* Ipsorum, perquam *Reverendus*, ac juxta *omnifariam eruditus D. Gulielm. Lucie*, *D. Episcopus Menevensis*; Et *honorabilis* Ipsorum *Consanguineus D. Kingsmill*, *Lucie Baronettus* (& alii non heic tam curto margine comprehendendi) primitus ab *Illustribus Romanis*, & deinceps à *primævis, Angliæ Baronibus*, oriundi.

Pag. 4. lin. 30. *murus Ille limitaneus*, (vulgò vocitatus *murus Pictensis*) à *Romanis Imperatoribus* olim conditus, erat opus prodigiôsæ molis, de quo *Cambdenus* multa, necnon *miranda* refert.

Pag. 5. lin. 5. *Cambden, Speed, Heylin*, erant *Historiographi* quondam *memorabiles*.

*Gulielmus Dugdale* *eques auratus*, hodieque *Pater Patratus*, id est *Principalis Armorum Rex*, vulgò *Garter*, vir admodum *eruditus*, ac juxta *perhumanus*, cujus *immensis passim lucubrationibus*, tum *Sacris*, tum *Sæcularibus*, non modo *Parvæcensis Ager* (*Ipsius natale solum*) sed & tota *Britannia* statuam debet plusquam *marmoream*.

Pag. 8. lin. 3. *Vir Insignissimus Edwardus Walker*, miles, nuper *Pater Patratus*, jam *Sanctis annu-*  
*numeratus*; cui *Dignitati* successit dict. *Gul. Dugdale*, miles, hodie *Garter*, nuper *Norroy*, Quâ  
*dignitate*, tituloque *fruitur* hodiè *dignissimus*, & stirpis antiquissimæ vir ille *generosissimus D. Hen-*  
*ricus St. George*, eq. auratus, cujus *Fratres honorabiles*, necnon *equites aurati, Thomas St. George*  
(*Frater Senior*) alter *Fecialis Armorum* in *Angliâ*, & *Georgius St. George Ultoniæ Provinciæ* apud  
*Hibernos Fecialis*, titulo, dignitateque *merito donatur.*

Lin. 8. *Clarentius* Innuit illum virum numeris omnibus ornatiss. *Ed. Bysbe* eq. auratum, & in hoc Angliæ magno Parlamento, Senatorem.

Lin. 13. Vir omnifariâ politioris Literaturæ supellectile variegatus, Humaniss. Ille vir *Elias Asbmole* Armig. diu legum municipalium Jurisconsultus, hodiè Regis Fisci publici contrarotulator, Et nuper *Windsoria* Fecialis; cujus munio successit ornatissimus Ille *Guil. Dugdale* (dicti *Gulielmi* militis, Filius) & Uxoris *Elia Asbmole* Frater perdilectus.

Pag. 13. l. 27. Fœmina. Refert ad Illam Generosiss. Heroïnam Dom. *Dionysam Williamfonam* Viduam, Quæ, magnam pecuniarum Massam Ædi condendæ Sancti *Dunstan* in Orientali *Lond.* erogavit, & munera multa præterea non parvi pretii contulit. Ædi cui Præsider, eruditiss. Ille Pastor, Reverendus D. *Georgius Giffard*, diu SSTB. ergà cujus Structuram, non modo Parochialium, aliorumque Benevolentias allexit, sed Eam, propriis insuper Impensis, Pie, nec, parcè promovit.

Pag. 15. lin. 18. Mores imitata Magistri. Innuit eruditiss. ornatiss. pientiss. humanissimumque Dominum *THO. TULLY*, SS. T. D. Aulæ Edmondi Principalem, Sereniss. Regiæ Majestatis à Sacris, quondam Reginalis Coll. Socium, necnon suissimi *Josephi Williamfon*, cultorem perquam cordatum, &c. Cui nuperò sanctis annumerato, successit, Ingeniosissimus, ac juxta eruditissimus D. *Stephanus Penton*, cujus Natalitiis noster Ager *Southantonienfis* gratulabitur, Educationi verò Schola Celeberrima *Wickhamienfis* apud *Winton*, (Cujus diutius Archididasculus eminuit, & adhuc eminet, eruditiss. ac omnifariam ornatissus D. Doctor *Hen. Beeson*, Præb. de *Winton*, Regis à Sacris, & antiquiss. Nominis, suæque Familiæ agro cestrens. oriundi, complementum.

Qui D. *Penton* ab *Oxonii Collegio Novo* (cujus diu Socius extiterat) ad *Aula Edmondi* Rectoratum, per Præfecti, Sociorumque Collegii Reginalis suffragia, merito co-optatus est.

Cæteræ notæ quum sint minuscule suis paginis imprimuntur.



*Ad Amicum Majorem P. F.*  
**Honoratissimi Patriotæ D. JOSEPHI WILLIAMSON,**  
*Laudes, perquàm meritas Carmine Heroico attentantem.*

**C**Onticuisse vetas facunda Oracula Vatum  
Piscator, veterum, *Latias* revirescere Laurus  
Dum facis, ac moliris opus; nunc pectine docto  
Tende Chelyn! Non hanc *Thamesis*, nec turbidus Hum-  
Nec solus lætæ Genius miretur *Itunæ*: (ber,  
Transibit vitrei refluentia Cærula Ponti  
*Saxonici, Morinosque* finus; mox audiet ingens  
*Sequana, Danubiusque* ferox, *Rhenique* bicornis  
Littora, purpureâque *Tagus* prædives arenâ,  
Et *Tyber*, invictis olim circumdatus armis.

Non equidem invideo; sed magnis gratulor *Aufis*,  
Et Cæptis applaudo tuis, quod inania spernens  
Commenta, & calamo, cantuque audace *Josephum*  
Laudâsti celebrem, *Quem*, si primæva tulissent  
Tempora, divino vir donaretur honore;  
Nec *Mecænati* tanto, Dominoque deessent  
Agmina *Flaccorum*, vel nomina docta *Maronis*.

O Vates tanto fælix in sæcla *Patrono*!  
Carminibus viret Ille tuis; Tu longiùs almis  
*Illius auxiliis*, *Qui* sic majora canendo  
Nomen majus habes; &, dum præconia pandis  
Illius, attollis proprias in sydera laudes.

*Islington,*  
Aug. 28.  
1677.

*Gulielmus Ferrarius,*  
Aulæ quondam *Clarensis Cantab.*







Præfecto, Socijsque Coll: Reg: Ox Hoc Eorum Scutū Collegiate DD  
author, Ipfis (in huius Poematis gratiam) Scutum præliminare Swissi-  
-morum Ios. Williamson, in publicū, benevolè promoventibus .



In Legationem, & Ampliff. Merita (nuper)

# EXCELLENTIÆ SUÆ

Jampridem Ter Honorabilis

JOSEPHI WILLIAMSON,

Agri Cumbriensis Equitis Aurati;

*Pueri, Coll. Reginalis Oxon. (sub auspiciis admodum Reverendi stirpisque perantiquæ venerandi Thomæ Lamplugh D. Episcopi de Exon.) Pupilli. Tandem dicti Coll. Socii, Ipsique Collégio Benefactoris, Amplificatorisque perquam Munifici. Vtriusque suffragiis Academia, Legum Cæsarearum Doctoris. Aulis Illustrioribus Europæ perlustratis, domi diutiùs inter Patres conscriptos in hoc Angliæ præggrandi Parlamento, Senatoris; E Duobus, Alterius magni Principalisque Regni, Statûsque Secretarii, eoque ad Secretiora, Sanctioraque Caroli II. Consilia cooptati; necnon nupèr ad Illud amplissimum generalissimumque Coloniae Concilium (juxta Primores Orbis Europæi Principes) Dom. Extraordinarii Legati, Dominique Plenipotentis, &c.*

## CARMEN GRATULATORIUM.

*Quùm post Absentiam diutiorem, desideratiss. Ille Josephus, sub Initium Maii MDCLXXIV. amplexanti Patriæ redonaretur.*

*Impressio Tertia, novis Typis, ac Numeris Redintegrata.*

**S**IC grato cùm Vere redis, Aurora futuri  
Præsentisque Boni, Quocum, melioribus Oris  
Spes Anni, Mensisque redit; tàm Phosphore lætos  
Attuleris cum Sole, Dies, Cœloque Pluenti  
Suaseris insolito plus arridere Sereno.

A

Aspice



Aspice quam! Pictas pubentia pascua pallas  
 Induerint; quam! Veste senex Natura renascens  
 Versicolore virens, jubet ut chorus omnis Amantum  
 Te stipet Charitum! redimitaque Tempora Flores  
 Floribus accumulent, & Eunti Stragula sternant.  
 O Caput Æternis Cœli, dotabile Sertis  
 Conspirante Solo! Cui Prata faventia plaudunt,  
 Et TRIADI Sacræ componunt *Symbola* Plantæ.  
 Ut retineret enim Proavorum *Stemma* vigorem,  
 Longius, optatam faceretque Nepotibus umbram,  
 Scuto mane Tuo Primos adolevit Honores  
 Herbarum Campestris Honor, \* *Tribus Ille ter-unus*  
*Flosculus ex Foliis* (Hominum, Pecorumque voluptas)  
 Tempus ad omne vicens, Virtusque vigentior Herbis.  
 Utque Triumpharent Pax & Bellona sub unâ,  
 Sede, Coronali Cristâ Jovis Armiger exit,  
 Ore, *Trefoyliolum* gestans pro fulmine Gramen,  
 Foederis ut *Triplicis* Britonum Te parte Statorem,  
 Collegamque Tuum, venturo nunciet ævo.

Collegæ salvete simul! Commissio fecit  
 Nupera Quos *Dominos*; Quos Rex, ac Aurea Virtus  
 Fecerunt *Equites*; Quos magni *Membra* Senatûs  
 Suffecit Populus, *Cælebs Par Ambo*, Beatæ  
 Palma Pudicitia! *Docti* quoque Legibus Ambo,  
*Cæsareis*, saluete pares! Decus Ambo Togatum  
*Oxonii*! Quod vos, Pueros, viditque PATRONOS.  
 O Castor, Polluxque Poli genuina Britanni  
 Pignora! diverso quamvis crevistis ab ovo  
 Quæ peperit diversus Olor. Divortia NUMEN  
 Hæc voluit, ne fortè *Bonum Commune* sub uno

Arctarent Elementa Polo. Distatis ab Orbe  
 Sed licet alterutro tantum, *Septentrio* quantum  
 Distat ab *Occasu*, sonitu, tamen una putetur  
 Patria \* transposito necnon Synonyma puncto. \* *Cambria*  
*Cumbria.*  
*Cæsaris* Opprobrium timidi, totiesque retusis  
*Saxonis* in infensum Gladiis, memorabile quondam  
 Munimem veterum *Britonum*, Te, CAMBRIA celsis  
 Eduxit LEOLINE jugis, *Glamorgia* Nymphis  
*Bissenis* ubi prima præit Rivalibus expers  
 \* *Walliæ* Regina plagæ. Te clara JOSEPHE  
 Bifrons Terra tulit gemino quasi JANUA Regno  
 CUMBRIA, tot veterum vel adhuc vagina Penatum,  
 Qui, Sua cum proprio Scribant Epinicia *Stanno*,  
*Quòd*, Juga *Kesvici*, *Boradale* quodq; Sororis  
 Fæta Metalliferis extrudunt viscera venis.  
 Ecquis ab antiquis Famam mercabitur Anglis?  
 Adsit, & heic Clypeos, effosque Marmora cernet  
 Romulidum Monumenta Ducum, celebrumque *Brigantium*  
 Nomina Laurigeræ quondam rivalia Romæ.  
 Vera quidem quoque *Visa* loquor, quum sæpe sedebam  
 Porticibus \* *Netheraula* Tuis, *Cumbrasque* per oras  
 Miles, & Hospes ego, *Servi-Majoris* obibam  
 Munia, PATRICIO CURWEN præfente Tribuno,  
 Necnon MUSGRAVIO Patriam moderante PHILIPPO,  
 Fixa sub Arctoo DOMINANTIA LUMINA Mundo.

Heu Sydus *Boreale*! Forum tot sæcula Martis!  
 Et passim dubii Pila, parque Palæstra Duelli  
 Intransum toties variis Exercita Pugnis,  
 Quorum vulnificos hodie reminiscitur Enses.



Nigrior Ille dies *Patrio Carbone* notandus,  
 Quo spoliatus Agris, & sedibus actus Avitis  
 Sceptraferos mutarat heros *Aquilonicus-Humber*,  
 Et contenta *Novi* nudo prænominē *Castri*,  
 Perdiderat primos bellatrix *O R R E A* Portus.  
 Pulvere tecta suo mox *WESMORLANDIA* mærens  
 Sedit, & effuso lachrymarum flumine, Fontes  
*Kandalis* imbrificans, Torrentibus addidit undis.  
 Cui, Soror infandos exponens *CUMBRIA* Casus  
 Syrmate verrit humum, Sparfos laniata Capillos  
 Exanimis, vix visa suo superesse Sepulchro.  
 Tunc, *LUGUVALLI* grandævæ Funera Matris  
 Flevit *Carleolum*, Pubesque perosa Catenas  
 Barbaricas, priscæ pro Libertatis Amore  
 Sanguine Natorum Sceleratum, tinxit *Edenum*;  
 Et Regni *Paribus*, (quoque Piscibus) Ille Canalis  
 Nobilibus \* *Luciis* *COCKERI* decolor Amnis  
 Cædibus irrubuit, deerantque cadentibus urnæ  
 Stratorum Cumulis, Collesque tegendo Sepultos  
 Communem fecere Torum: Tam dura domari  
*Occidui-Borealis* erat pars Ista *BRIGANTVM*,  
 Præ Reliquis, Qui *Marte* Focos, Arasque tuentes,  
 Ultima Saxonico cecidere Piacula Ferro.

Illa *JOSEPHE* Tibi Pubes Fortissima plaudet;  
 Illa, pharetrigeris Quæ prima repagula *P I C T I S*  
 Et rata *SEPTIFIDO* posuit Contermina Sceptro  
*CUMBRIA*, præteritis, Quæ *Kimbria* cognita Seclis,  
*Teutonidum* stabilem retinens ab Origine stirpem.  
 Hinc Tuus Indigenâ Pes non remorandus arenâ,  
 Transgressus Patrii vastissima Rudera \* *MURI*,

(Rudera

(Rudera Romulidum longe Molimina Regum)

*Germanos Atavos* alio sub sole jacentes

Pulsat, & antiqui repetit *Cunabula Cimbri.*

Dicite vos Docti, Senior Quos protulit ætas;  
 Vosque Modernorum *Quaternio Docte Britannum*  
 (*Camden, Speed, Hylen, cum \* Dugdale*) dicite dudum  
 Quantulus Anglus erat, quum *Cæsar, Saxo, sequensq;*  
*Cimber*, ab adverso venientes Littore, passum  
 Puppibus umbrârunt pelagus, *Thamisisque* lucunis  
 Excedens solitis, Riparum vincula rupit  
 Hospitibus nimis arcta Novis. Tunc *Naiades* undæ  
 Terrarum flevere vices, doluitque *Sabrina*  
 Cum Lacrimis compulsâ Suis potare *Visurgin*,  
 Et Fæces tumidi Quas tunc abdomina *Rheni*  
 Turbato vomuere vado. Tot sæcula, *Cimbri*  
 Grassatus sine lege furor; tot, *Saxonis-Angli*  
 Sævities, laceri Membratim Corpora Regni  
 Ceû *Metii* discerpfit Equis. Sed longius Ævum  
 Quos juxit sub lege pari, pacalis Olivæ  
 Fronde coronavit, Sertisque redimit adauctis  
 Nostra Dies utriusque comas, sub utroq; ferente  
 Te Palmas, *Laurusque* Solo. Gratamur *Amicis*  
 Hinc *Danis*, olim Dominis, & amamus honores  
*Hengisti* Cineres, & ejusdem Pulveris *Horsum*  
 Quorum, hodiè Pars magna fumus: tam *Cimbria* Nostris  
 Semina sparfit Agris, ac idem Sanguis, Idemque  
 Cor Incarnatos cum *Saxone* miscuit *Anglos*.  
 Nec dirimit Natale Solum, dum *Saxone-Cimbro*  
 Te Duce, longinquis Fratres convenimus Oris,

Suspi-



Suspiciamusque palàm Patruos, & in ore Nepotum  
 Præsentes veneramur Avos. Brevis ergo vetustis  
 Linea Cosmographis, & iniquâ Temporis Æram  
 Lance Chronologici trutinant, tot Lustra locantes  
 A quibus, Angliacas *Saxo* penetraverat Arces,  
 Saxonis aut Soboles *Almannas* viserit Urbes:  
*Saxona* Congeneres *pridiè* visisse Britannos  
 Competit, & *Cimbros* prope confedisse Sicambris,  
 Quùm Comes *Austriacis* Aquilis *TVA* mitior *ALES*  
 Sederat, & medium Pennis libraverat Axem;  
 Frigore ne *Boreas*, fureretve caloribus *Auster*,  
 Utraque sed solitum servaret Zona Tenorem.

*Majorum* de Gente Redux Celeberrime salve!  
 Par Eques, Auratis titulis, & Major ab amplis  
 Miles *Io* Meritis! *Musis* & adorea *Marti*;  
 Quem, Gentilitii manifestant Symbola Scuti  
*Magnanimum*, *Mitemque* simul, dum fronte, *Volucris*  
 Culminet *altivolans*, & Scuti corpore, *Flores*  
 Compositis sedere comis. \* Hos fecit Honores  
 Rivali Natura Suo, Qui, Comptior Iphis  
 Floribus, & Flavo Campo fragrantius halans,  
*Ver Sibi*, perpetuos Virtutum ispirat Odores.  
 Injustè querimur jam Ferrea sola manere  
 Sæcula *Brutigenas*, & nil superesse cadentis  
*Astreae*, totamque polo migrâsse *Minervam*;  
 Scilicèt ad Britones remearunt Aurea Secla,  
 Ex quo, prisca Patrum Fides, & Reverentia Veri,  
 Et Pudor, & Probitas, & (Turba Novena) Sorores  
 Sede remigrantes solitâ; sub *Pectore Vestro*  
 Palladium posuere Novum: tam Concòlor Annis  
 Candor,

Candor, & incocto Generosum semen Honesto,  
Cum Cunis crevere Tuis. Vix Scamma Scholarum  
Transiliit puerilis apex, & *Cyrrha* fodinis  
Pierias patefecit Opes, Gravioribus aptus  
Quam Studiis, graviora sapis; Cui, rectus Olympi  
Cursus, & Astrorum leges, & origo Profundi,  
Terrarum quoque claustra patent, quæ cernitur omnis  
Quid Divina jubet, vel suadeat Ethica Virtus.

Hoc erat a teneris primam tornare juventam,  
Ut celer Authores (Quos commendaverat ætas  
Doctior) antevolans, pennatâ mente, notares  
Quæ *Crispus* brevitate placet; quo pondere *Varro*;  
Quo Genio *Plautus*; quo Flumine, *Quintilianus*;  
Quam solidoque stylo *Tacitus* sua Chronica sculpsit,  
Digna Scienda Sacris, ac insinuanda Monarchis.

Maturo mox *Mane* Viro, Tibi luce resurgit  
Splendidiore Dies, *Primique* Scientia *Juris*,  
Cujus ad Archetypon, major componitur orbis.  
Tunc latebrosarum referanti Scrinia Legum,  
Velaque pandenti per Abyssi claustra Profundi;  
*Bartolus* tibi clavis erat; *Palinurus*, & *Aura*  
*Bartolus*; *Baldusque* suæ Duo Lumina Spheræ;  
Et *Cynofura* micans Gallo *Cuiasius* Orbi:  
Ut *Pandectarum* Puteis, *Quæ Vina* vetustas  
Condideratve *Cadis*, Tua *Promusconde* *Josephe*  
*Indoles* hauriret, Patriisq; refunderet *Anglis*,  
Sol uti, qui radiis sic imbibit *Æquor*, ut *Illud*  
*Imbribus* egereret, quibus, arida viscera terræ  
Irriget, imprægnatq; graves uligine *Glebas*.

Te nec *Heraldorum* veteres (ignoscite *Vates*

Vulgari



Vulgari si more loquar) latuere Magistri,  
 Nec Quos praefecit Clavo Praesentior aetas  
 In Regum, Procerumq; Decus. \* *Walkerus* Equestris  
 Ordinis, Antistesque Chori Fecialis, Honores  
 Lance Patronymicos, Complexaq; Nomina Pendens,  
*Willhelm-sonne* Tuum longo scrutatus ab aëvo,  
 Confirmat Ceras, & Scuta, *redintegrat*, Olim  
 Quae Proavi gessere Tui. CLARENTIVS Illa  
 Comprobat *Vptoni* spinosa Volumina BYSHVS,  
 Qui Critico dispunxit Acu. Rex inde Trionum  
 DUGDALUS, Angliaci Chorus, & Cortina Theatri,  
 Ex Animo Tibi plaudit ovans, & Gaudia Docto  
 Dividit ASHMOLEO, certus, Te Sospite, stare  
 Firmius Heroas, Quas sic Complecteris Artes.

Indè (Polyglotes Patriae rediturus) *Vlysses*  
 Longius egrederis, Populos emensus, & Urbes,  
 Ut simul Ingenium, Ritus, Legesque Locorum  
 Conciperes, caperesque tenax compendia Vocum  
 Nec sine Luce Labor, Tibi dum Globus Ipse, Globorum,  
 Arbiter, ad punctum, Chartas introspicis omnes,  
 Ac Intellecti *Compressa Volumina* Mundi  
 Par Oculis, Animoque Legis; Peregrèque profectus  
 Sic Homines, discisque Libros, ut utrosque doceres,  
 Et Doctis Paradigma fores. Hâc Indole, Gentes  
 Concipis Intuitu, Semoto Interprete, callens  
 Grandisonans, Quid *Teuto* tonat, qui Fulmen in Ore  
 Praeportat, sed Fronte Fidem. Quos *Ittalus* edit  
 Nec Mentem latuere Sales, moderataque Mensæ  
 Luxuries lautæ; nec *Iberæ* Pondera Gentis  
 Consona Cui *Latia* præ Cunctis Lingua Loquelæ.

Tecum

Tecum *Galla* loqui, Tecum *Facundia* *Romæ*,  
Grajugenæque velint, *Vulgi* vetus unde polirent  
Ad Normas *Idioma* Novas, & Mella Modernis  
Exprimerent potiora Favis. His *Docte* Magister  
Artibus Excellens, & Consummatus ad omnes  
*Aularum*, *Statuumque* Modos, Prægrande Theatrum  
*Plenipotens* intras, *Primi Legatus*, Honoris  
A Magno mandatus Hero. *Germania* fælix  
Heroum Genitrix; & *Agrippa-Colonia*, REGES  
Quæ TRES à longo Sacros celebraverat ævo,  
Illum jure Diem Festis Ferialibus addat  
Quo, tot Magnificos vidit sub *Imagine* Reges  
Per *Delegatos* Majorum More Sedentes.  
Additus His, CAROLVS Rex Augustissimus Anglus  
(Orbis Amor, pariterque metus) dignatus adesse,  
Et Vestro *Procul* ore loqui, Geminique Ministri  
Obfide, se tremulo Columnen supponere Mundo.  
Agnoscit Præsens, & fortè fatebitur ætas  
Postera, divisim quot tunc *Europa* vacillans  
Vergerat in Partes! & quàm Diademata Regum  
Perstiterant *Britonum* Sedatim Lancibus æquis,  
Eloquio librata Tuo! Cui, Constat abundè  
Regna Bonis surgant, Quibus & detrusa retorsim  
Pessudent labefacta Malis: tam Sedulus, omnes  
Discutis Historias, Exemplaque digna Potentum  
Colligis, & Proprios Prudens disponis in Usus.  
Haud secus Hyblæis haustas ubi vallibus omnes  
Induit Annus Opes, solitosque resumit amictus;  
Mane salutantes, querulo cum murmure, passim  
Florilegæ funduntur Apes, & ab omnibus agris



Mella reportantes, crepero sub Vespere, crura  
 Plena Thymo, redeunt, ut Cerea Castra coronent.  
 Sic Operæ Confors, dùm conficis *Ardua Regni*,  
 Præsentemque Domi Te postulat *Aula*, remotis  
 Finibus *Europa* Mens circumvecta moratur,  
 Et longum ventura videt: Momenta revolvis  
 Unde, Togæ, Bellique vices, Regisque Saluti  
 Prospicis, à Patriis arcens Incendia Tectis.  
 O quoties! tenero quùm nondùm Phœbus *Eo*  
 Æquoreis remeâset Aquis, stans Turba Petentum  
 Obvia Sollicitis ambirunt Atria Votis;  
 A Quibus Obsessus, *mellitâ Voce* vel Ipsos  
 Obsidione tenes; & pro ratione Virorum,  
 Vel Methodo Rerum, Moderata Petentibus, Æquus  
 Annuis, Idque negas Quos mox fortassè pigeret  
 Concessi, minimeve foret Conforme Mereri.

Publica sic Proprio præponens Commoda Lucro,  
 Publicus appares; nec Te licet Agmine Curæ  
 Circundant, vigilesque jubent percurrere Noctes,  
 Vidimus iratis stringentem Lumina rugis.  
 Blanda Serenatam mulcet Clementia frontem,  
 Totaque per Mites diffusa Modestia Vultus,  
 Dum confitet Mens (non velis inflata Secundis,  
 Adversis nec pressa notis) Moderamine miro,  
 Par semper, similisque sibi. Sic Flumina quamvis  
 Ad Mare collectum deportent ritè Tributum,  
 Et Vectigales solvant ad Littora Fluctus,  
 Id *Nereum* sentire pudet, nec lenior alveo  
 Deficit, aut tumido stagnat torrentior æstu.  
 Talibus *Exundans* Meritis, *Pharus* ecce! videris,

\* *Scyditbio* de Monte nitens; Exemplar Honesti;  
Virtutum Collectus apex; Venerabile Regni  
Pignus, & Indigenis Nomen peramabile *Cimbris*.

\* *Cumbria*  
necnon *Anglie* Mons  
altiss. & Sep-  
tentrionalia  
*Teneriffa*.

Nec minus id Meritis Memorandi Nominis addit  
Illimis Pietatis Amor, cunctasque coercens  
Religio sub Lege Vices, dum Cæca perosus  
Dogmata, & insanæ damnans Deliria Turbæ,  
Supremum purâ veneraris Mente Tribunal.  
Nempe vel à Puero Virtutum Castra sequendi,  
Ac Charitum Tibi Cura fuit, Cui, Mollia nusquàm  
Ubera porrexit *Circe*, nec foeda *Calypso*  
Invasit validos vitiis Juvenilibus Annos.  
Nec Tibi quàm vacuis Aulæ secesseris horis  
Sic steriles abiere Dies, ut inania Lucis  
Otia, futilibus fraudarent *Seria* Nugis;  
Dum Manus omne movens, vel ab omni percita Motu  
*Enthea* Mens, scribis Seclis facienda futuris,  
Ac itidem scribenda facis. Mandata daturus,  
Ipse Capis, quantoque Tuis sis Major Honore,  
Obsequio cupis esse Minor. Reminiscitur Aula  
Munia pro CAROLO gessisti qualia Rege,  
Sive Domi, fuerasve foris; quàm stellula primùm  
Fulisti *Gallis*: vel quàm Sol Major Olympo  
Missus ab Angliaco, radiis *Teutonica* passim  
Littora lustrasti, quâ Tu Legatus (Honorus  
Et *Collega* Tuus, Cujus Melioribus Acta  
Commendo Calamis) numerofo Consule, Consul,  
Cingeris, abscissas satagens connectere Partes  
Sedulus, & Veteres Regum sopire Querelas.  
Hinc *Anglo*, Conjunctus *Iber*, & utrisque *Batavus*



Tres numero, Gens una fumus, *Triplique* potiti  
*Fœdere*, miscemus Merces, Animasque fideles  
 Invicem, ab alterno timidi ditescere damno.

Hoc tibi *devinctas* fecisti *Fœdere Gentes*,  
 Dum Tua nil *cæcæ* debens Industria Sorti,  
 Se Solùm *Meritis*, & *Regum* debet Amori.  
 Esto, Genus jactent Alii sublime, Sibique  
 Debendam pariter Famam, Fundosque Paternos  
 Æquali de sorte crepent: Sors Vestra \* *Sub Vmbrâ*  
*Alarum* secura sedens DEUS alme *Tuarum*,  
 Te *Reginales* admisit primitus *Ædes*.

*Ipsius Motto-  
perquàm ve-  
recundus.*

Induit undè *Domûs Aquilas*, ac Alite Dextro  
 Plusquàm *Dædaleis* perrupit Nubila pennis  
 Ingenii pernicis apex, Planumque futuris  
 Ingeniis, aperivit Iter. Sic *Docte Joseph*,  
 Non Tibi, sed *Populo*, *Patriæque*, *Tuisque*, *Beatis*  
 Nasceris ominibus, Memorandi Nominis impar  
*Cumbriaco* *Coryphæus* Agro, Qui Dotibus annos  
 Exsuperans, Meritisque fidem, post terga relictis  
 Tot paribus, Virtutè præis, *Palmæque Priorum*  
 Æmulus, æternæ ponis fundamina Famæ.

Nec penes est Mortale Genus, Fundamina Famæ  
 Moliri meliore Luto. Testabitur Illud  
 Fundamen REGINA Tuum; Regina, Lycei  
 \* *Bellofiti* veneranda Soror, Quæ ritè reponet  
 Te, cum Principibus, præscique Potentibus ævi  
*Co-fundatorem*, longosque loquetur in annos  
 Magnificæ Benefacta Manûs. Vos prima volantùm  
 Alituum Pennata Cohors, submittite plumas  
 Quas Domino debetis Aves; & cede parumper

*Oxonium sic  
antiquè dicti  
Bellofium,  
quasi Belle-  
fium.*

*Eagles-*

*Eaglesfeilde*, Parens Aquilis, ac *Ædibus Idem*;  
Et *Beaufort*, Regum Stirps, & Regina *Philippa*  
(Quatuor ut constet Fundatio firma Columnis)  
Cedite, Ternalique Choro, stabilite *Josephum*;  
Cui, jam plena Domus pandat cum Pectore, Portas  
Amplius, exultetque novo fruitura Patrono.  
O Pietas! propè Sola potens penetrare *TONANTIS*  
Limen, & Impositæ superaddere *Pelion Ossæ*  
*Titanum* nil fulta Manu: Sic itur ad *Astra*,  
Sic *Coelum Rapimus*, Superasve *Paciscimur* Arces,  
Agmina quando *Operum* succenturientia, præsto  
Ductricem Comitata *Fidem*. Quos foeta beavit  
Innumeris Fortuna Bonis, procul ite Dynastæ,  
Terrarumque Duces Qui tota Talenta *Tabernis*,  
Aut *Tenebris* damnatis Opes, *Fœnusque* futuro  
Audetis sperare Die. Procul ite *Locustæ*  
Vos Pecus ignavum Fruges Consumere Nati  
Foetentis *Fæx*, & Squallentia Stercora *Terræ*,  
Vix foecundandis spargenda Cadavera *Glebis*.  
Vos quoque dedigni prorsus *Calcaribus* Istis  
Quæ geritis, nitidoque (latus Quo cingitur) Ense,  
Cûr *Trabis* immemores, vos pars rudis unde dolati,  
Colla superba polo pictarum more Volucrum  
Tenditis, & tumidas Titulorum panditis alas?  
Degeneres Animæ! Quæ nil virtutis habentes.  
*Majorum*, laceram de *Conquestore* petitam  
Sarcitis Seriem, stolideque citatis *Avitas*  
*Arentes* *Laurus*, & Inanes *Nominis Urnas*.  
At Stator, & Veterum par *Restaurator* Avorum  
Ille, Manuductus stabili (*Præeuntibus Astris*)

Virtu-



Virtutum per Templâ Gradu, patefecit Honori  
 Limen hians, ubi Viva Suis Monumenta locavit,  
 Nec Moritura sibi, Boreali sydere, passim  
 Auspiciis plaudente piis. *Aquilonica Pubes*  
*Eaglesfeldiadum*, quâ *Westmorlandia Mater*,  
 Ant Soror Implumes exclusit *Cumbria Pullos*,  
 Latiùs ardentem *Aquilino Lumine Solis*  
 Jam penetrent Radios, & Nidos Nubibus æquent.  
 O Vir Marmoreis, Uatum dignissime Templis!  
 Qui vatum Delubra struis, mediisque Ruinis  
 Altius attonitam cogis consurgere Molem.  
 Posteritas, admitte Fidem, Res mira relatu,  
 \* *Williamsonorum*, vel ab uno Nomine, *Binos*  
*Phænices*, hodiè fætos peperisse Britannos  
 Semine dissimiles, necnon Discrimine Sexûs.  
 Foemina, *Londini Dunstanam Cælitùs Ædem*,  
 Et Confopitos Cineres revocavit ad auras  
 Vitales, Donisque palàm Splendentibus auxit.  
 Mas Cælebs, vitreos sobolevit ad *Isidos Amnes*,  
 Quâ Puer, imbiberat tam Lac, quàm Pocula Lucis:  
 Heic, *Reginales Ædes* (Habitacula nupèr  
 Arcta Prophetarum) Spatiis diduxit adauctis,  
 Tectaque, non parvo sumptu, de pulvere traxit  
 Plurima, *Proventuque Novo, Genioque Beavit*.  
 O Donum! Fastis Memorandum ritè futuris,  
*Quod*, si spirantes Silices, & Saxa Disertis  
 Nunc Animata Sonis, in Postera Secla filerent;  
 En! ex vestibulo, solidis inscisa figuris  
 Clamarent Symulachra Domûs, Matremque monerent  
 Ut *Grandæva*, Loci formas, Moresque vetustos,

Vide Pag.  
Prælimina-  
rem.

Quæ

*Virique jam pridem ter Honorabilis Josephi William*

Quæ quoque cana Dies fixit magis *Apta Notata*,  
Traderet, ignaroque tenax ostenderet ævo.  
Hinc, *Tuba*, Collegis (Quæ nunc *Argentea* totum)  
Prodroma Pransuris, vestræ stans debita *Dextræ*,  
Elogium resonabit ovans, quia TANTA, Tubarum  
Vocifero sine Teste facis. *Potabile Cornu*  
Temporis antiqui Donum, Tua Dona JOSEPHÆ  
Convivis Hodierna canet, tot *Vota* Saluti  
Suffundens, quot *Pocula* Tuæ. Sin Advena poscat  
*Pocula* Quæ fuerint meliori *Cusa* metallo,  
Heic fatis *optato* sua guttura proluat *Auro*,  
Sufficiatque siti. Sin mox *Argentea* poscat  
*Pondera Lemniacis* Quæ conformata caminis,  
Heic quoque, *Crateras*, *Pelves*, *Paterasque* videbit,  
*Vasæque* *Sacrati* *Cistis* *Servata* *Sacelli*:  
Heic itidem *Libros*, & multa *Volumina* *Patrum*  
Diversis educta plagis, *Manuscriptaque* cernet,  
*Iconesque* *Ducum*, *celebrumque* *Numismata* *Regum*,  
*Omnia* *Munificæ* *dudum* *Donaria* *Dextræ*.

Utque per *Oxonii* *Collegia* cuncta coleris,  
Sic *Reginales* apud *Ædes*, foedere facto  
Te propius *Vicina* colent. Fundamen honorum  
*Wickhamii*; læto Tibi *Fausta* precabitur ore,  
*Reginæque* *Domo* postponens *Nomen* *Avitum*,  
Hanc hodiè nitidam, totamque vocabit amœnam,  
Nec minimâ de parte *Novam*. Uenerabilis *Aula*  
*Edmondi* *Niveos* *mores* *imitata* \* *MAGISTRI*  
*Candenti* *sub* *fronte* *nitens*, Tibi *serviet* *albis*  
*Cincta* *Ministeriis*, *Ancillæ* *more* *sequacis*  
*Reginæ* *placitura* *Suæ*. Ceû *Turtur* *in* *Umbris*

*Ædes*



16 *In Legationem; & ampliss. Merita nuper Excellentie suae*

Aedes Sancta Sedens Sancti cognomine Petri  
Sponsæ Capta Suæ specie, dabit oscula fronti  
Jam propè Contiguæ, solitoque procacior, arctos  
Ibit in Amplexus, Nolis Modulantibus ultro  
Connubiale Melos. Propriæ sic limine Portæ  
Te Proprium laudabit Opus, quia Porta patebit  
Ad Laudes *vel ubique* pares. Fas ergo *Josephe* est  
Ut quum Condideris Patriis *Altaria* Musis,  
Musarum Tibi *Thura* ferant; & Imago doletur  
Ex Saxis Quæ Dextra dedit; Pennæque petantur  
Ex Geminis *Aquilarum* Alis, Quibus, Æquius, Actus  
Scribat Fama Tuos, Nomenque Inscribat *Olympo*.

*Quod censet æquissimum,*

Vobis venerande *Præposite*, *Sociisque* Coll. Reginalis  
devotissimus P. F. vestro quondam Coll. sub perquam  
Reverendo D. *Barlow*, Pupillorum minimus; & vestro  
Comit. *Cumbriæ* sub Baronetto *Curwen*, olim militum  
Serviens-Major.

---

Ut







19  
ELOGIUM SEPULCRALE

*Nobiliss. Consultiss. Fortissimique Satrapæ*

CAROLI Comitis de CARLILE, &c.

*omni I Peregrinis, & Posteris.*

Si nescias Advena cui hoc fleturiens defudat Marmor,

*Edoceberis,*

*Quod heic, Illunis, Stella, Terris exciderit.*

*Stella Septentrionalis, Ibique Temonis Auriga Carolini.*

*Geminæ Provinciæ Jubar, & Genius,*

*Suorum Præfectus, & Sui.*

*Authoritate Magnus. Obsequio Major.*

*Seipso Maximus,*

Carolus Howardus.

*Carolus, Gratiâ Regali,*

*Comes Carleoli, Vicecomes Morpeti; Baro Dacres Gilslandi.*

*Carolus Affectu Nativo,*

*Cor Cumbriæ. Popularium Pulmo. Numen NAWORTH,*

*Quâ Præsentior adfuit, & Interfuit,*

*Filius, & Hæres. Cœlebs, & Sponsus. Pater, & Avus.*

*Conjugis Amor. Spes Pignorum. Fides Nepotum:*

*Quibus Præfuit, Idemque Profuit*

*Dominus, & Parens. Præses, & Princeps:*

*Heros Majesticæ frontis, itidemque Personæ;*

*Vir ad Artem compositus, nil habens Artis;*



20 *Elogium Sepulchrale Nobiliss. Caroli Comitis Carleoli.*

Corpus Pancraticum. Systema Syderum.  
Naturæ Complementum.

Quid plus vis Viator? Genus inquiris?  
En! Egerminavit ex *Howardorum* Stirpe Ducali  
Stirps altera.

Effronduit ex Nobilissimo *Norfolciæ* Libano  
Cedrus Æmula;

Quæ longum florida Saltubus exsurgens *Aquilonicis*  
Rivales *Orcadum* Polo, *Thuleq;* Pelago propagavit Ramos,  
Nè per Britanniam vacaret Insignior Angulus  
Quo, non nidificantes *Howardorum* culminarent *Aquila*.

Quid ultra? Petis etiam *Vitæ* Compendium?  
Sub dubio Sydere, dubium Fatum subiit, ac Fortunam ::  
Primitus *Scotiâ*, deinceps *Angliâ* :  
Par utriusque *Palestræ* Pila, nec impar sub utroq; *Periculum*.

Ut *Avita* nempè Patrimonia  
*Sequestrali* damnanda *Decreto*, *Dextrâ* Redimeret,  
*Sinistrâ* Fidem Senatui signavit;  
Foris, in communem consulto cadens *Scyllam*,  
Ne; damnosiores *Domi Charybdes* incideret.

Sic Adolefcens,  
In Ludo *Martis* primo prolusit Prologo,  
Sed mox Mutatâ *Britanniæ* Scenâ,  
*Mercurius* alio Spectandus Theatro,  
Sub *Carolo* Secundo prodiit Actor è *Primis*,  
Secundusque Nemini.

Inter Comites Sanctioris *Ipsius* Concilii  
Co-optatus Comes.

Ad

Ad Supremum Parlamenti Concessum  
Citatus Strapa.

Ad Potentissimos Europæ Principes;  
Bis Princeps Legatus.

In Maximi Momenti Suscipiendis, *Hermes*.  
In agendis, *Dædalus*. In Consummandis, *Apollo*;  
Undè latiùs illustraverat  
Coronæ Splendorem. Regnorum Pacem.  
Penatum Dignitatem.

Sed Proh ! Fata magnificis ominosa Cæptis  
Quæ medio Vitæ, Gloriæque Curriculo  
Properantem stiterunt Orbitam,  
Ipsumque vel heic in Terris, *Cælo* Candidatum,  
Cœlituum Choris heu ! cito nimis asciverunt ;  
Dulce Suorum Desiderium  
Magno *Carolo* ; *Cumbria*, Dynastisque *Britanniæ*  
Propè, Dissiteque Condolentibus.

Ad perennandam, lateque Proseminandam  
Tanti Principis, Mœcænatisque munifici Memoriam  
Hoc fleturienti Calamo, Quod dudum suffudit Elogium,  
Publicis nunc Typis Impressit, Posterisque consecravit

Author.



*Oratori Poetaeque præpollenti, & Antiquitatum Studiosissimo  
Hujus Heroici Carminis Authori Majori P. F.*

*Fælicitatem apprecatur C. B.*

**E** Lucubratum Quod ad me miseras Poema, perlegi.  
Poema purè Mellitum sine Fæce, Genuinum sine  
Fuco, quodque plus est, Poeticarum Fictionum  
prorsùs immune. Quàm paucas enim Synelephas? Quàm  
pauciores Tropos, & Figuras (veterum Vatum malè pec-  
cantium Suffugia & Asyla) per totum Carmen offendo?  
Non opus est igitur ut Imbelli meo suffulciatur Elogio,  
Quùm Doctissimorum Suffragiis innitatur.

Vale igitur mi studiosissime Amice, meoque nomine  
candide salutes Tuum nupero contubernalem Doctorem  
ROBERTVM FORDE de Crewkerne, virum integer-  
rimè Cordatum, morum mellitissimum, linguæ fluide fa-  
cetum, Judiciiue deliberati Doctorem Rei Medicinalis,  
& a fratre suo famosissimo Doctore DAWBENETO  
TVRBERVIL oculatistorum quotquot Antesignano)  
oculatistum nemini secundum.

Vale iterum mi Colende Vir, faxitque Fortuna propi-  
tior ut ab Angustiis Tuis tandem emancipatus, licentia  
pedum plusquam Poeticâ, liber uteris.

*Quod animitus exoptat Amicus Tibi Cordatissimus*

**Cornelius Borre, M. D.**

*Dublino-Hybernus.*

## Typographus ad Lectorem.

**A**Uthoris hujus Heroica Carmina quæ dudum, vel nuperius scripserat, vel scribenda designat, tandem *complexim* sub his Titulis in *unum volumen* prodibunt in Publicum.

**M***Arston Moor*, scriptum 1645. in 6 Libellos distributum.

DEUS & Rex, Rex & Episcopus, ad Clerum.

Panegyricum, Christianiss. *Ludovici 14.*

Epitaphia nonnullorum Nobilium.

Eucharisticon pro nup. Duce *Albemarliæ*

In Poemata Eruditiss. *Edmondi Waller.*

Ad Honorabilem *Carolum Berty*, à *Danis* redeuntem.

Ad Honoratiss. *Hen. Coventry*, ad *Suecos* Legatum.

Epithalamium *Tho. Peck*, & *Luciæ Ball.*

Ad Eruditiss. *Petrum Pett*, Eq. Auratum, &c.

Ad Ornatiss. *Tho. Higgons*, Eq. Auratum, &c.

Epinicion *Venetum*, adversus *Turcas*.

In Nuptias Ornatiss. *Johannis Wolrych.*

In Adventum Principis de *Ligne.*

In Adventum Regin-Matris, *Henrietta Mariæ.*

Ad Ornatiss. *Just. Pagit*, Custodem Brevium.

Ad Dom. Pereruditum *Guil. Petyt*, Int. Templ. *J. C.*

Epithal. *Josephi de Guerra*, & *Annæ Hiansonæ.*

In Hortos, & Hospitalitatem *Leonardi Bilson*, Armig.

Ad Astrologum peritiss. *Johannem Gadbury*, Generos.

Ad Illustriss. *Carolus Howard*, Comit. de *Carlile*, &c.

*Armachanus* Redivivus, Oratio Funebri.

Legatio Honoratiss. *Josephi Williamson.*

The



## The Bookfeller to the Reader.

**T**He Anonymous Author of this highly Heroick Poem, is a Gentleman of an old Knightly Family, and Born to a great Inheritance scituate in three Counties, Though (to asloyle him from any misprizion of his own Improvidence) he indeed had neither Finger, nor Foot in either.

By this means, He was forced to Dedicate the first part of his Youth to the Wars in Forreign Countries, but the other part (more succesfully to the *Muses* at Home; Twenty seven years being now elapsed since He luckily wrote that great Battaille of *Marston-Moor*, at what time he was Major of Foot to the late Baronet *Curwen* of the County of *Cumberland*; a second Impression of which *Marston-Moor* (with Truce to his incumbent Studies in Antiquities and Genealogies, and that great History of the Tombs and Monuments of *London*) he doth fairly promise. In the Interim, This present Heroick Poem, so highly Received, and Approved, He hath here Printed again, with some considerable Additions on the County of *Cumberland*, and doth promise to Print it *Toties, Quoties*, as 'tis out of Print, That both this, and remoter Kingdoms may more punctually and particularly understand the Magnificent Merits of that *Munificent and publick Spirited Patriot* it here Portrayes; To whose *Beneficence* the Author doth publickly acknowledge his Life, and present Enlargment.

Lastly Reader, I am to advertise Thee, That the Funeral Oration in Memory of the Late *JAMES USHER* Archbishop of *Armagh*, Delivered by this Author many years since in the Great Hall of *Christ-Church Oxford*, will by the first convenience be Reprinted in a large Octavo, and publickly sold by the Bookfellers of *London*.

Farewel.

E I N I S.



